




**ՖՈՒՏՉԱԼԻ ՀՀ ԳԱԿԱԹԻ  
2024թ. ԽԱՂԱՐԿՈՒԹՅԱՆ  
ԱՆՑԿԱՑՄԱՆ  
ԿԱՆՈՆԱԿԱՐԳ**



ՖՈՒՏԶԱԼԻ ՀԱՅԱՍՏԱՆԻ 2024Թ. ԳԱՎԱԹԻ

ԽԱՂԱՐԿՈՒԹՅԱՆ ԱՆՑԿԱՑՄԱՆ

ԿԱՆՈՆԱԿԱՐԳ

**ԲՈՎԱՆԴԱԿՈՒԹՅՈՒՆ**

<b>ԸՆԴՀԱՆՈՒՐ ԴՐՈՒՅԹՆԵՐ</b> .....	2
Հոդված 1. Կանոնակարգի առարկան, նպատակը և խնդիրները .....	2
Հոդված 2. Մրցումների նպատակը և խնդիրները.....	2
Հոդված 3. Մրցումների ղեկավարումը.....	3
Հոդված 4. Մրցաշարի մասնակից թիմերը և հավաստագրերը.....	3
Հոդված 5. Մրցաշարի անցկացման կարգը .....	4
Հոդված 6. Սպասարկող անձնակազմ .....	4
Հոդված 7. Խաղերի կազմակերպումը, ֆուտբոլիստների մասնակցությունը և փոխարինումը ....	5
Հոդված 8. Խաղի արձանագրություն.....	5
Հոդված 9. Մարզահագուստը .....	5
Հոդված 10. Մրցաշարի խաղացանկը.....	6
Հոդված 11. Ակումբների պատասխանատվությունը.....	6
Հոդված 12. Մրցաշարի մասնակիցների գրանցումը և հայտավորումը.....	7
Հոդված 13. Նախախաղային խորհրդակցությունը.....	7
Հոդված 14. Չկայացած և անավարտ խաղերը.....	7
Հոդված 15. Կարգապահական տույժեր.....	8
Հոդված 16. Պարզևատրումը .....	9
Հոդված 17. Թիմերի չներկայանալը խաղին կամ հրաժարվելը մրցաշարին.....	9
Հոդված 18 .Այլ հարցեր .....	9

## Հոդված 1. Կանոնակարգի առարկան, նպատակը և խնդիրները

1.01. Սույն կանոնակարգը սահմանում է ՀՖՖ-ի հովանու ներքո անցկացվող ֆուտզալի Հայաստանի գավաթի խաղարկության կազմակերպման և անցկացման սկզբունքները, ֆուտբոլային սուբյեկտների իրավունքները, պարտականությունները, պատասխանատվությունը և այլ ընթացակարգային հարցերը տվյալ մրցումների ընթացքում, կարգավորում է ՀՖՖ-ն:

1.02. Կանոնակարգի խնդիրներն են՝

- ա) Ֆուտզալի Հայաստանի գավաթի խաղարկության կազմակերպման, անցկացման, դեկավարման և հսկողության ընթացակարգերի սահմանումը,
- բ) Մասնակիցների համար անհրաժեշտ պայմանների ստեղծումը և ապահովումը,

## Հոդված 2. Մրցումների նպատակը և խնդիրները

2.01. Մրցումների նպատակն է՝

- ա) ՀՀ տարածքում ֆուտզալի հետագա զարգացմանը նպաստելը,
- բ) ֆուտբոլիստների վարպետության մակարդակի բարձրացմանը նպաստելը,
- գ) «Արդար խաղի» սկզբունքների արմատավորմանը և կենսագործմանը նպաստելը,
- թ) Դասակարգել մասնակից թիմերն՝ ըստ մրցաշարի արդյունքների,
- ժ) Ի հայտ բերել մրցաշարի մրցանակակիրներին,
- ի) Ստեղծել հարթակ սիրողական թիմերի համար՝ հետագայում պրոֆեսիոնալ գործունեություն ծավալելու համար:

2.02. Մրցումների խնդիրներն են՝

- ա) Գավաթի խաղարկության թիմերի դասակարգումն ըստ արդյունքների,

բ) Մրցաշրջանի մրցանակակիրների որոշումը հետևյալ դասակարգմամբ՝

- Գավաթի խաղարկության լավագույն ֆուտբոլիստ,
- Գավաթի խաղարկության լավագույն դարպասապահ,
- Գավաթի խաղարկության լավագույն մարզիչ,
- Հնարավոր է այլ մրցանակներ ՀՖՖ-ի կողմից:

### Հոդված 3. Մրցումների դեկլարումը

Առաջնության կազմակերպումն ու վերահսկումն իրականացվում է ՀՖՖ-ի կողմից.

- հաստատում է մրցումների անցկացման կանոնակարգը և խաղացանկը,
- իրականացնում է թիմերի գրանցման և հայտավորման ընթացակարգը,
- կազմակերպում է խաղերը և իրականացնում դրանց հսկողությունը,
- ամփոփում է հանդիպումների արդյունքները,
- հաստատում է գավաթի խաղարկության արդյունքները և իրականացնում մրցանակակիրների պարգևատրումը,
- հաստատում է մրցումները սպասարկող մրցավարների և տեսուչների կազմը,
- կազմակերպում և տնօրինում է խաղերի հեռարձակումը,
- իրականացնում է սույն կանոնակարգով նախատեսված դեպքերում և կարգով հանդիպումների հետաձգումը (դրանց անցկացման ամսաթվի, մեկնարկի ժամի և վայրի փոփոխություն),
- իրականացնում է վերահսկողություն կիրառելի և վերաբերելի կանոնակարգի շրջանակներում,
- տրամադրում է թիմերի և մրցավարների համար նախատեսված հանդերձարաններ,
- տրամադրում է սպասարկող մրցավարական անձնակազմի համար ջուր,
- ապահովում է բժշկի և անվտանգության աշխատակիցների, կարգադրիչների ներկայությունը և վերջիններիս աշխատանքային պարտականությունների կատարումը,
- իրականացնում է կանոնակարգի պահանջներից բխող այլ գործառույթներ:

### Հոդված 4. Մրցաշարի մասնակից թիմերը և հավաստագրերը

Ֆուտզալի Հայաստանի գավաթի խաղարկությանը մասնակցում են ՀՀ Ֆուտզալի Բարձրագույն խմբի առաջնության մասնակից՝ 8, ՀՀ Ֆուտզալի Առաջին խմբի առաջնության՝ 12 և սիրողական 12 ակումբներ, որոնք ընդունում և պարտավորվում են կատարել սույն կանոնակարգի պահանջները:

## Հոդված 5. Մրցաշարի անցկացման կարգը

1. Սույն կանոնակարգով սահմանված ֆուտզալի Հայաստանի գավաթի շրջանակներում հանդիպումներն անցկացվում են՝ համաձայն ԻՖԱԲ «Ֆուտզալ խաղի» կանոնների և սույն կանոնակարգի դրույթների:
2. Ֆուտզալի Հայաստանի գավաթի 2024թ. խաղարկությունն անցկացվում է օլիմպիական մրցակարգով:
3. Ֆուտզալի Հայաստանի գավաթի խաղարկությունը անցկացվում է 32 թիմով:
4. ՀՀ Ֆուտզալի Բարձրագույն խմբի առաջնության մասնակից թիմերը մրցապայքարը սկսում են 1/8 եզրափակիչ փուլից: ՀՀ Ֆուտզալի առաջին խմբի առաջնության մասնակից թիմերը՝ 1/16 եզրափակիչ փուլից : Մնացած 12 սիրողական և 4 Առաջին խմբի A և B ենթախմբերում վերջին 2 հորիզոնականները զբաղեցրած թիմերը մրցապայքարը սկսում են նախնական փուլից:
5. Ֆուտզալի Հայաստանի գավաթի խաղարկության հանդիպումները անցկացվում են մեկ խաղով:
6. Խաղը բաղկացած է 20 րոպե մաքուր խաղաժամանակով 2 խաղակեսից և խաղակեսերի միջև ընկած մինչև 10 րոպե ընդմիջումից՝ ըստ ԻՖԱԲ «Ֆուտզալ խաղի կանոններ»-ի:
7. Ֆուտզալի Հայաստանի գավաթի խաղարկության մասնակից թիմերի դիրքերը խաղացանցի բոլոր փուլերում որոշվում է կույր վիճակահանությամբ:
8. Ֆուտզալի Հայաստանի գավաթի խաղարկության հանդիպումներն անցկացվում են 2024թ. փետրվար ամսից մինչև 2024թ. ապրիլ ամիսն ընկած ժամանակահատվածում:
9. Խաղի հիմնական ժամանակի ավարտին հավասարության դեպքում նշանակվում է 6 մետրանոց հարվածաշար (առանց լրացուցիչ ժամանակի)՝ ֆուտզալ խաղի կանոնների համաձայն:
10. 1/8 եզրափակիչից սկսած խաղի հիմնական ժամանակի ավարտին հավասարության դեպքում թիմերը կխաղան լրացուցիչ ժամանակ 5+5 րոպե՝ ֆուտզալ խաղի կանոնների համաձայն:

## Հոդված 6. Սպասարկող անձնակազմ

1. Խաղերը կազմակերպելու և վարելու համար ՀՖՖ Մրցավարական և տեսչական բաժինը նշանակում է սպասարկող խումբը՝ մրցավար, 2-րդ մրցավար, 3-րդ մրցավար, ժամանակաչափորդ և որոշ դեպքերում տեսուչ:
2. Ակումբների կամ այլ կազմակերպությունների պահանջով կամ խնդրանքով սպասարկող անձնակազմի կամ վերջինիս առանձին անդամների նշանակում կամ փոխարինում չի կատարվում:
3. Մրցավարների և տեսուչների իրավունքները և պարտականությունները սահմանվում են ԻՖԱԲ «Ֆուտզալ խաղի» կանոնների, սույն Կանոնակարգի դրույթների և մրցավարությունն ու տեսչությունը կանոնակարգող՝ ՀՖՖ-ի այլ փաստաթղթերի համաձայն:

## Հոդված 7.Խաղերի կազմակերպումը, ֆուտբոլիստների մասնակցությունը և փոխարինումը

1. Յուրաքանչյուր խաղից 10 րոպե առաջ հանդիպման մրցավարի ղեկավարությամբ անցկացվում է նախախաղային խորհրդակցություն՝ խաղադաշտում, որին մասնակցում են հանդիպումը սպասարկող մրցավարները, թիմերի ֆուտբոլիստները և պաշտոնյաները:
2. Թիմերի ներկայացուցիչները պարտավոր են խաղի մեկնարկից առավելագույնը 1 ժամ առաջ խաղի մեքենագրված ու ստորագրված արձանագրությունը առձեռն հանձնել խաղի մրցավարներին: Խաղի արձանագրությունում լրացվում են մինչև 14 ֆուտբոլիստի և 5 պաշտոնյայի տվյալներ: Խաղի արձանագրությունում նշվում են միայն այն ֆուտբոլիստների և պաշտոնյաների տվյալները, որոնք գրանցված և հայտավորված են տվյալ թիմում և որակագրված չեն:
3. Խաղին կարող են մասնակցել և տեխնիկական գոտում գտնվել միայն տվյալ խաղի արձանագրությունում նշված ֆուտբոլիստները և պաշտոնյաները:
4. Չհայտավորված, որակագրված, արձանագրությունում չնշված ֆուտբոլիստի խաղին մասնակից դառնալու դեպքում տվյալ թիմին գրանցում է տեխնիկական պարտություն՝ 0:5 հաշվով:

## Հոդված 8.Խաղի արձանագրություն

1. Յուրաքանչյուր խաղ պետք է ունենա արձանագրություն:
2. Արձանագրության մեջ կարող են նշվել միայն այն ֆուտբոլիստները և թիմերի անձնակազմի անդամները, ովքեր հայտավորված են և որակագրված չեն տվյալ խաղին մասնակցելու համար: Չհայտավորված և որակագրված ֆուտբոլիստների խաղին մասնակցության պատասխանատվությունը կրում է տվյալ ակումբը:

## Հոդված 9.Մարզահագուստը

1. Առաջնությունների մասնակից ակումբները խաղաշրջանի մեկնարկից նվազագույնը 2 օր առաջ հաստատում և ՀՖՖ են ներկայացնում իրենց տնային, արտագնա և, առկայության դեպքում, պահեստային մարզահագուստները: Ակումբների խաղերին իրավունք ունեն մասնակցելու միայն ՀՖՖ-ի կողմից վերջնական հաստատված մարզահագուստով:
2. Ֆուտբոլիստների մարզահագուստը պետք է համապատասխանի «ֆուտզալ խաղի կանոնների» պահանջներին:
3. Ֆուտբոլիստների մարզաշապիկների հետնամասում պետք է պարտադիր առկա լինեն խաղային համարները, բացառությամբ 5-րդ խաղացողի մարզաշապիկի որը կարող է լինել առանց համար, կամ համարի հատվածը լինի կտրված:
4. 5-րդ խաղացողի մարզաշապիկը պետք է լինի հիմնական դարպասապահի մարզաշապիկի գույն:

5. Մրցող թիմերի մարզահագուստների գույները հաստատվում են մրցավարի կողմից՝ նախախաղային խորհրդակցության ժամանակ: Գույների համընկման դեպքում մարզահագուստը փոխում է հյուրընկալվող թիմը:
6. Մարզահագուստի վրա թույլատրվում է տեղադրել գովազդ, որը չի պարունակում քաղաքական, ռասսայական, կրոնական տարրեր և/կամ այլ կերպ չի խախտում գովազդի մասին ՀՀ օրենսդրության պահանջները (հիշյալ դեպքերում ողջ պատասխանատվությունը կրում է Ակումբը):
7. Ֆուտբոլիստներին արգելվում է խաղի ժամանակ կրել ցանկացած տեսակի զարդեղեն:

## Հոդված 10. Մրցաշարի խաղացանկը

1. Ֆուտզալի Հայաստանի գավաթի խաղարկության խաղացանկը ներկայացվում է թիմերին մրցումների սկզբից ոչ ուշ քան 3 օր առաջ:
2. Խաղացանկի հաստատված խաղերը ենթակա չեն փոփոխման:
3. Մրցափուլերի օրերի հիման վրա ՀՖՖ-ն, խաղաշրջանի մեկնարկից առնվազն 5 օր առաջ նշանակում է առաջին մրցափուլի խաղերի օրերը և ժամերը, այնուհետև՝ հաջորդող բոլոր մրցափուլերի մեկնարկից առնվազն 3 օր առաջ՝ այդ մրցափուլերի խաղերի օրերը և ժամերը, ինչի վերաբերյալ տեղեկատվությունը շրջաբերականով ուղարկվում է մասնակից ակումբների պաշտոնական էլեկտրոնային փոստի հասցեի միջոցով:

## Հոդված 11. Ակումբների պատասխանատվությունը

1. Ակումբները պատասխանատու են իրենց ֆուտբոլիստների և անձնակազմի գործողությունների համար:
2. Խաղի արձանագրությունում նշված ֆուտբոլիստների և թիմի անձնակազմի՝ խաղին մասնակցելու իրավասության առկայության համար (խաղի արձանագրությունում նշված լինելը համարվում է խաղին մասնակցություն),
3. Ակումբները պատասխանատու են ՀՖՖ-ին ոչ հավաստի տեղեկություն պաշտոնապես ներկայացնելու համար:
4. Ակումբները պարտավոր են վարել ֆուտբոլիստների ստացած դեղին քարտերի հաշվառումը ՀՖՖ Կարգապահական և էթիկայի կանոնակարգի համապատասխան հոդվածի կետերով նախատեսված խախտումներ հայտնաբերելու դեպքերում՝ կիրառել այդ Կանոնակարգով նախատեսված պատժամիջոցները՝ առանց ՀՖՖ-ի Կարգապահական և էթիկայի կոմիտեի որոշման:
5. Ակումբներին արգելվում է՝

ա) միջամտել խաղը սպասարկող անձնակազմի գործողություններին, այն է՝ կատարել այնպիսի գործողություն կամ անգործություն, որը խոչընդոտում է կամ

կարող է խոչընդոտել խաղը սպասարկող անձնակազմի բնականոն գործունեությանը կամ կարող է ազդել խաղի ընթացքի կամ ելքի վրա,

### Հոդված 12. Մրցաշարի մասնակիցների գրանցումը և հայտավորումը

1. Ակումբները պետք է ֆուտբոլիստներին և անձնակազմի անդամներին հայտավորեն Ֆուտբոլի կառավարման համակարգի (FMS) միջոցով:
2. Թիմերում հայտավորվել կարող են միայն այն ֆուտբոլիստները, ովքեր գրանցված են տվյալ ակումբում:
3. Թույլատրվում է հայտավորել մինչև 5 պաշտոնյա և մինչև 20 ֆուտբոլիստ:
4. Յուրաքանչյուր թիմում պետք է հայտավորված լինեն նվազագույնը 1 պաշտոնյա և 8 ֆուտբոլիստ:
5. Մասնակից թիմերի հայտավորման ժամկետը սկսում է 20.01.2024թ. և ավարտվում 14.02.2024թ.-ին:
6. Հայտավորման ժամկետներից հետո ֆուտբոլիստների վերահայտավորում տեղի չի ունենում:
7. Ակումբների պաշտոնյաները վերահայտավորվում են առանց ժամկետային սահմանափակումների:

### Հոդված 13. Նախախաղային խորհրդակցությունը

1. Ակումբների կողմից նախախաղային խորհրդակցությանը մասնակցող անձինք մրցավարի ստուգմանն են ներկայացնում ֆուտբոլիստների և դարպասապահի խաղային մարզահագուստն ամբողջությամբ՝ մարզաշապիկ, կիսավարտիք (կամ սպորտային տաբատ՝ դարպասապահի դեպքում), կիսագուլպա, մարզումային ժիլետները: Հիմնական հանդերձանքից բացի պետք է ներկայացվեն նաև պաշտպանիչ դիմակներ, պաշտպանիչ գլխարկներ, գունավոր էլաստիկ ժապավեններ, եթե դրանք օգտագործվելու են:

### Հոդված 14. Չկայացած և անավարտ խաղերը

1. Անավարտ կամ չկայացած են համարվում այն խաղերը, որոնք ընդհատվել և չեն շարունակվել կամ չեն կայացել հետևյալ պատճառներով՝
  - ա) արտակարգ իրավիճակների,



- բ) լուսավորման համակարգի խափանման (անջատում), որը հնարավոր չի եղել վերականգնել 30 րոպեի ընթացքում,
- գ) թիմ/եր/ի մարզադահլիճը լքելու,
- դ) երրորդ անձանց միջամտության դեպքում,
- ե) խաղի մասնակիցների անվայել վարքագծի,
- զ) մեկ կամ երկու թիմերի ֆուտբոլիստների, պաշտոնյաների և/կամ երկրպագուների անկարգապահ վարքագծի դեպքում,
- է) հասարակական կարգի խախտման, որն ազդել է խաղի ընթացքի և արդյունքի վրա,
- ը) թիմի կազմում 3-ից պակաս ֆուտբոլիստների առկայության դեպքում,
- թ) այլ սուբյեկտիվ հանգամանքների առկայության պարագայում:

2. Եթե խաղը չի կայացել կամ ընդհատվել է անկախ Ակումբների կամ նրանց պատասխանատվության տակ գտնվող անձանց կամքից, ապա այն վերախաղարկվում կամ ընդհատման պահից շարունակվում է մեկ այլ օր: Տվյալ խաղի խաղացված մասի հաշիվը, կարգապահական տույժերը մնում են ուժի մեջ (պահպանվում են): Խաղի շարունակությանը իրավունք ունեն մասնակցելու միայն խաղի արձանագրությունում նշված և խաղին մասնակցած ֆուտբոլիստները: Խաղի վերախաղարկման կամ անցկացման /շարունակման/ ժամկետի վերաբերյալ որոշում կայացնելու իրավունքը պատկանում է ՀՖՖ-ին:
3. Սույն հոդվածի մյուս բոլոր կետերով ամրագրված դեպքերում խաղն ընդհատվելու կամ չկայանալու պարագայում արդյունքը չեղյալ է համարվում: Մեղավոր թիմին գրանցվում է տեխնիկական պարտություն 0-5 հաշվով, իսկ մրցակցին՝ հաղթանակ 5-0 հաշվով: Եթե խաղն ընդհատվել կամ չի կայացել երկու թիմերի մեղավորության կամ դիտավորության պատճառով, ապա երկու թիմերին գրանցվում է տեխնիկական պարտություն 0-5 հաշվով:
4. Սույն հոդվածում նկարագրված դեպքերում գրանցված գույրը ռմբարկուների հաշվարկում չեն ներառվում, բացառությամբ այն դեպքերի, երբ մրցակցի առավելությունը ավելին է քան 5 գնդակը: Կարգապահական տույժերը մնում են ուժի մեջ:
5. Սույն հոդվածի 3-րդ և 4-րդ կետերով նախատեսված պատիժները և հետևանքները վերաբերում են նաև այն դեպքերին, երբ թիմերից մեկին որևէ խախտման համար տրվել է տեխնիկական պարտություն:

## Հոդված 15. Կարգապահական տույժեր

1. Նույն խաղում 2 զգուշացում ստանալով ֆուտբոլիստը հեռացվում է խաղադաշտից, և որակազրկվում է 1 խաղով:
2. Նույն խաղում 2 զգուշացում ստանալով պաշտոնյան հեռացվում է խաղադաշտից, և որակազրկվում է 1 խաղով:
3. Խաղի ժամանակ մրցավարի կողմից հեռացվելու դեպքում (կարմիր քարտ) ֆուտբոլիստը/պաշտոնյան որակազրկվում է 1 խաղով:

4. Եթե խաղի ժամանակ ֆուտբոլիստը/պաշտոնյան հեռացվել է ոչ սպորտային պահվածքի համար, որակագրկման խաղերի քանակը որոշում է ՀՖՖ Կարգապահական և Էթիկայի կոմիտեն:
5. Ֆուտբոլիստը կամ պաշտոնյան գավաթի խաղարկության ընթացքում 2-րդ զգուշացումը (դեղին քարտը) ստանալու դեպքում բաց է թողնում հաջորդ փուլի հանդիպումը, բացառությամբ եզրափակչի: Եզրափակչից առաջ ստացած դեղին քարտերը չեղյալ են համարվում (բացառությամբ նույն խաղի ժամանակ ստացած 2 զգուշացման դեպքերի):
6. Ֆուտզալի Հայաստանի 2024 թվականի Գավաթի խաղարկության ընթացքում ստացած դեղին և կարմիր քարտերը (բացառությամբ ԿԷԿ որոշումների) չեն ազդում այլ մրցաշարերի վրա և հակառակը:

## Հոդված 16.Պարգևատրումը

1. Ֆուտզալի Հայաստանի գավաթի խաղարկության հաղթողի և մրցանակակիրների պարգևատրումն իրականացնում է Հայաստանի Ֆուտբոլի Ֆեդերացիան:
2. Հաղթող /ակումբին/ թիմին շնորհվում է 2024թ. Ֆուտզալի Հայաստանի Գավաթի խաղարկության հաղթողի կոչումը: Ակումբը պարգևատրվում է ոսկե մեդալով և ՀՖՖ դիպլոմով: Ակումբին է հանձնվում փոխանցիկ գավաթ:
3. Լավագույն արդյունք գրանցած սիրողական թիմը կնվաճի ՀՀ Ֆուտզալի Առաջին խմբի գալիք առաջնության ուղեգիր, անվճար:
4. Փոխանցիկ գավաթը հանձնվում է առ ժամանակ հաղթող ակումբին, բայց հանդիսանում է ՀՖՖ-ի սեփականությունը: Հաղթող ակումբը պատասխանատու է փոխանցիկ գավաթի համար և պարտավոր է այն ՀՖՖ-ին վերադարձնել գավաթի հաջորդ խաղարկության մեկնարկից 10 օր առաջ, պատշաճ վիճակում: Գավաթի կորստի կամ վնասման դեպքում ակումբը պարտավոր է վճարել գավաթի արժեքի հնգապատիկը:

## Հոդված 17.Թիմերի չներկայանալը խաղին կամ հրաժարվելը մրցաշարին

1. Անհարգելի պատճառով խաղին չներկայանալու, դեպքում մեղավոր թիմին գրանցվում է տեխնիկական պարտություն 0:5 հաշվով, իսկ մրցակից թիմին՝ հաղթանակ 5:0 հաշվով:
2. Թիմը համարվում է խաղին չներկայացած, եթե չի տեղեկացրել ուշացման պատճառների մասին խաղից նվազագույնը 2 ժամ առաջ և խաղասկզբին չի ներկայացել:  
Տեղեկացնելու դեպքում խաղասկիզբը կարող է հետաձգվել ոչ ավելի, քան 15 րոպեով:

## Հոդված 18 .Այլ հարցեր

1. Մրցաշարի ընթացքում բժշկական անձնակազմի ապահովումը իրականացնում է ՀՖՖ-ն:
2. Գավաթի խաղարկության բոլոր հանդիպումները անցկացվելու են մրցաշարի պաշտոնական գնդակով, որը տրամադրվում է ՀՖՖ-ն: Այլ գնդակով հանդիպումների անցկացումը արգելվում է:

3. Սույն կանոնակարգի դրույթների խախտումների (չկատարման) համար կիրառվում են պատժամիջոցներ:
4. Սույն կանոնակարգը ուժի մեջ է մտնում հաստատման պահից և գործում է մինչև մրցաշարի ավարտը:
5. Ֆուտզալի Հայաստանի գավաթի 2024թ. խաղարկության բոլոր խաղերը տեղի են ունենում ՀՖՖ Տեխնիկական կենտրոն/Ֆուտբոլի ակադեմիայի մարզադահլիճում: ՀՖՖ-ի որոշմամբ առաջնության խաղերը կարող են տեղափոխվել այլ մարզադահլիճ: